

南山谷口考

地7317
56.88.1

關中叢書

南山谷口考

邵力子署

陝西通志館印

序

秦據天下上游之勢控河山百二之雄一旦盜至叩關入絕無留者而往來自如也尙爲秦有人乎夫關中被山帶河險阻之四塞未改也固猶然天府之國也伊古在昔王者得之以王霸者資之以霸矣中才處之宜猶足以自保哥舒翰輩不足論何以同治之元賊薄武關旣莫之爲禦以成秦禍越五年而寇我潼關猶莫之懲而坐失連城之險耶韓退之守戒曰在得人豈不信哉人之一身腠理爲急護其要害數處而止耳秦爲天下之脊南山則秦之脊也而山之諸谷則其窾繁也顧其說往往散見於篇未有

南山谷口考

序

一

韓中叢書

匯而著之者倉卒有事將回惑而不得其要誠讀是書而講其利害聚餉選兵以扼之外侮絕焉舉良有司而填撫其民內亂奚生焉毛子作爲是書其猶足雪秦無人之譏乎易曰王公設險以守其國苟得其人雖無險隘乎猶將陂塘灤以限戎馬列保寨以固藩籬矧擁河山之勝哉雖然彼泄泄者昧安不忘危之義方且迂是書以覆瓿而莫之省也毛子其柰之何也毛子曰士君子得位則行其道窮則立言以儲用有鞏屏藩以衛國家者乎是書也吾將存之以俟其人同治七年歲在著雍執徐秋壯月旣望紹興山陰萬方煦序於長安旅舍之豫齋

陝西南山谷口考 谷山口也說文云泉出通川爲谷今音讀若穀古音讀若欲又轉爲裕又轉爲庾又轉爲油今關中讀若裕而其字則俗書加山作峪今兩存之所謂名從主人也

揚州甘泉毛鳳枝撰

關中之險東有潼關西有隴阪東南有武關北有大河所謂四塞之國也而其足爲關中之患者則恆在南山誠以南山脈起昆侖尾銜嵩嶽橫亘潼關華陰華州商州雒南渭南藍田咸寧長安鄠縣盩厔郿縣寶雞之境幾及千里深山穹谷不可殫究其正南通興安出鄖襄其東南抵商州連楚豫其西南毗漢中道隴蜀昔年賊蹤出沒無不假道于此故關中之患恆在南山而南山之患又在諸谷也

南山谷口考

二

關中叢書

議者謂三秦地利自古稱雄多事之秋足以自守不知古人尙車戰故山谿足以隘戎馬今則步騎風馳詭道萬端攻其無備出其不意有出于鄧艾陰平之上者而南山諸谷徑路紛歧多置兵則備多力分少置兵則顧此失彼故今日之關中不若大梁之易守也大梁雖四戰之地然我無險賊亦無險關中則不然我之險要善守之足以制寇不善守之使賊乘閒而入則南山之險反爲賊用彼利則進攻不利則退守是猶納蜂蠆于袖中閉虎狼于一室其不嚙且蠶者鮮矣吾故曰守大梁易守關中難雖然地無常勢兵無常形善用兵者因地形以知利因地利以設謀

雖丈五之溝漸車之水尙能禦寇况乎百二之雄哉故攷
南山谷口北向者起潼關抵寶雞凡得一百五十所箸于
篇

自潼關以西渭水之南山之大者皆曰南山南山之高者
悉名秦嶺潼關之南又有小秦嶺接商州境其谷則一曰
大谷俗名太峪口亦曰秦峪嶺

在潼關城南四十里有太峪關舊志云屬河南閩鄉三
省邊防道路攷由雒南縣北三十里曰石家坡又三十
里石牆又二十五里巡檢司又三十五里黑掌坡又十
五里太峪嶺

通志云潼關城西南至雒南縣治一百四十五里

至潼關界山路

南山谷口考

三 關中叢書

陡險由谷口沿山東行可達閩鄉亦閒道也

又西爲麻谷

在潼關城南四十里有麻峪關

又西爲禁谷

一名禁溝一名禁院

禁谷之北曰蒿岔峪

蒿亦作蒿

禁谷在潼關城南三十里有禁峪關通志云潼之左有
谷平日禁人往來以權征稅谷之南爲雒南界唐廣明
初黃巢陷虢州張承範屯潼關關左有禁谷官軍忘守
卽此今案谷之北有龍王廟又北曰蒿岔谷有蒿岔谷
水北入河沿谷水北行登潼關南原復折而西可越過

潼關達華陰境

案通志輿圖華陰縣東南二十八里有瑞村原距潼關十里瑞村原之北又有

金盆原此二原當與潼關之南原相接俟攷○案明史崇禎八年九月洪承疇破流寇于渭南臨潼關李自成東走高迎祥亦屢敗東踰華陰南原絕嶺偕自成出朱陽關與張獻忠合是南原自昔為閒道矣○又崇禎十一年李自成東遁洪承疇令曹變蛟設伏于潼關之南原大破之賊既以南原為閒道果能設伏于此豈非伐謀之

道乎昔人嘗設十二連城于此置兵戍守以防秦嶺諸

谷今連城既廢禁谷幾成坦途矣○通志云潼關古關

隘舊有十六一曰古城關在城東南四里自此至西谷

皆有烽臺一曰寺角營關在城東南十五里一曰車峪

關在城東南三十里一曰西峪關在城東南四十里一

曰石門關在城南二里一曰禁峪關北魏宇文泰擊寶泰至小關即此

在城南十里一曰巡底關在城南十里一曰溝西關在

南山谷口考

城南十五里一曰漢井關在城南二十里一曰五莊關

在城南二十五里一曰麻峪關在城南三十里一曰水

門關疑即下水谷在城南三十里一曰太峪關在城南三十

里太谷見前一曰潼峪關在城南三十里潼峪舊有防兵一

曰上關在城南三十里一曰南渡關在城西十里一曰

永樂關在城東北四十里有永樂鎮渡以上十六關基

址俱存而防守城堡墩臺久廢余案南渡永樂二關為西北之隘其餘皆南山

閒道也又城東有姚讚屯南有暗門隘姚鸞屯俱廢

潼關連城說楊端本撰文載陝西通志

昔人謂泥丸東封函谷關今日之潼關鎖鑰西秦謂即

古之函谷者非也然入關有三道潼入關之正道也商之武關入關之孔道也昔漢祖破秦由此入咸陽朝邑古臨晉地自夏陽至關平曠百里大河易渡漢祖往來關中常由臨晉而七國之變亦欲兵由此入是又入關之隙道也五泉先生云一方不戒三險俱失誠哉是言也然武關萬山險阻一將偏師可以無虞朝邑雖曰平曠百里命將建營于中路設巨礮數十南北巡守則大河卽天塹也至潼關之守則禁阮最爲要地昔黃巢從禁阮破關明逆闖李自成亦由禁阮陷關豈非一方不戒而失三險之明驗乎蓋疎忽地理之要而十二連城

之廢也古設十二連城于禁溝之西由南郊以抵山麓計三十里而十二城是三里一城也每城設兵百人而于中城益其兵多設火器矢弩連絡呼應疾若風雨卽有百萬之眾豈能超越而飛渡耶故守關而不守禁溝者守猶勿守也守禁溝而不建十二連城者守猶未善也是猶一室之內杜門塞竇以防鳥雀之入而忘閉其牖也是以關予敵非所以固圉也守關者察地理之形勢謀封置之萬全周歷山川曠覽古昔鑒觀成敗其于建連城以控禁溝控禁溝以固關亦訐謀而重慮之乎附載通志云潼關南門外不數武卽閩鄉華陰界今案

輿圖由潼關東南三十里之董社原隋楊元感與宇文述戰于此西

行過蒿岔峪河又渡潼河西行可越過潼關至華陰又

由潼關東南之金陡關西行至閣王溝一名源望溝傍南原

西行渡蒿岔河又渡潼河楊家河亦可越過潼關至華

陰疑皆閒道也此就圖言之尚宜詳攷或云潼關北城門外黃河

水涸時由河灘行走亦有閒道至華陰

又西為水谷

在潼關城南三十里有水門關自水谷以西南山之高

者皆名秦嶺通志云秦嶺在潼關城南三十里嶺南即維南界相近有龍文山

又西為潼谷水經注謂之通谷

南山谷口考

六 關中叢書

在潼關城南三十里潼水出谷中北入河有潼谷關峪

口有老君洞

又西為蒲谷

在潼關城南三十五里為潼關華陰連界處

右潼關谷口凡九關城南距秦嶺三十里

又西為松果山

在華陰縣東南二十七里通志云山通襄鄧之間

又西為水谷

在華陰縣東南有泥泉水北入渭谷南為秦嶺

又西為靈谷

在華陰縣東南

又西為朝陽山一名留翎巘

在華陰縣東南山南為秦嶺通志云秦嶺在華陰縣南

屬華雒分壤之界

華陰南至雒南縣界四十里至雒南縣治一百七十里西南至雒南縣界

八十里西接華州東抵潼關懸崖疊嶂高不可攀通行者

皆曲徑實終南一脈

又西為蒲谷

在華陰縣東南有蒲谷水北入渭

又西為寶谷一名杜谷

在華陰縣東南有寶谷水北入渭

南山谷口考

七

關中叢書

又西為黃神谷

在華陰縣東南有黃龍潭水北入渭

又西為泰華山

在華陰縣城南十里

又西為仙谷

在華陰縣西南有車箱谷水北入渭

車箱谷在仙谷之南

又西為好漢山

在華陰縣西南十五里

又西為甕谷

在華陰縣西南十五里有黃酸水北入渭土人云甕谷

有路通藍田通志云甕谷環抱如甕爲商雒徑道道險
舊有防兵谷之南有升山爲黃酸水發源處縣志云甕
谷爲商雒徑道道甚險惡明知縣王時雍修治之入谷
五十里曰甕嶺東轉爲華陽川卽古陽華敷也通志驛
傳攷由雒南縣北二十五里曰齊家鋪又三十里楊氏
城鋪又二十里板廟河鋪又二十里度黃龍山至華陰
縣甕岔鋪卽甕谷路矣又黃龍山之東有香山及太子
坪距雒南百里亦與華陰連界
又西爲大敷谷一名羅敷谷

在華陰縣西南三十里有敷谷水受秦嶺諸小水經流
最大北入渭通志云入谷十三里有相公嶺

南山谷口考

八 關中叢書

又西爲蔥谷

在華陰縣西南三十五里有蔥谷水北入渭

又西爲大谷

在華陰縣西南

又西爲方山谷

在華陰縣西南爲華陰華州連界處有方山河北入渭

谷南爲蟠龍山又南爲乾喜鋪通雒南界通志云蟠龍
山可通白崖

谷白崖之東卽構谷也詳見下文○又方輿紀要云秦
華山之東有牛心谷南通商雒爲險阨處今未詳所在
附記
于此

右華陰縣南山谷口凡十三縣南距秦嶺五十里又三

省邊防道路攷由雒南縣之常水鎮迤西北二十里曰孤山又三十里曰麻坪又七十五里曰苦坨與華陰連界山路崎嶇

又西爲三甲山

在華州東南

又西爲鳳居山

在華州東南三十里柳子鎮南山接秦嶺南來之脈突立一峯左右兩山如舒翼然

又西爲構谷

在華州東南有構谷水北入渭谷之西南爲嶺底鋪東

南山谷口考

九
關中叢書

南爲乾喜鋪與華陰雒南連界通志云自谷而南四十里爲構嶺又三十里爲秦嶺逾嶺而南有路通商雒

又西爲白崖谷

在華州東南谷之北有移山潭又北爲蓮花池二水自池中北流爲渠會構谷水入渭谷之西北爲羅紋鋪自羅紋鋪入谷南行三十五里曰嶺底鋪又東南三十里至乾喜鋪又四十里至華陰甕岔鋪合甕岔路通雒南

又西爲獼虎谷

在華州東南

又西爲甯山

在華州東南二十里山之東有阜頭山西北至州城十五里

又西爲小敷谷一名白石谷

在華州東南有羅紋水北入渭通志云入谷二十三里曰玉女廟又東有金壺峽又十里曰蒼坪又十里曰仙人洞

又西爲太平谷一名太白谷

在華州東南有太平谷水北入渭

又西爲獨秀峯又西爲少華山又西爲五龍山

均在華州城南十里

南山谷口考

十 關中叢書

少華山之西爲白石谷又西爲潭谷又西爲水谷

均在華州西南有潭谷水北入渭

又西爲石隄谷

在華州西南十二里有石隄谷水北流爲石橋鋪河又

北入渭後漢穀君神祠碑云集古錄云碑在鄭縣石隄樹谷南通

商雒案碑文則石隄谷之名漢時已著矣通志云入谷南行曰五里泉又

五里曰東岐溝又十里曰灰池又六里曰千崖二岔又

二里曰東西石門又十五里至秦嶺度嶺十五里曰黑

龍潭峽又五里爲青岡坪通志云青岡坪在華州南七

堆城爲雒南界順治初山孽盤互于此幾成絕徑十由二年立木城撥潼關營把總汎防於此今有防兵

青岡坪東南行十五里爲金堆城又南二十里爲五勝溝接雒南境華州續志云州南至秦嶺雒南界八十里又南一百一十里至雒南縣城而青岡坪巨秦嶺之南居然一扼亢也其西南百里可達嶢關其東南可通武關荆楚往來行客絡繹不絕爲華州通商雒南要道不可忽也○又石隄谷之西南爲小柿原又南爲短嶺自小柿原迤西曰柳村原其北曰瓜坡鎮古瓜田也瓜坡鎮在華州西南二十里其西爲大明鎮其南爲高唐鎮皆要道自瓜坡而西南曰平原又南曰金堆谷可達秦嶺南之金堆城案石隄谷爲華州南面之隘而瓜坡大明高唐三鎮皆在其南宜于瓜坡等

南山谷口考

十一

關中叢書

處設兵控守以扼石隄之口所謂總彙之區也

又西爲栲栳山

在華州西南

又西爲赤隄谷

在華州西南有赤隄谷水東北流貫石隄谷水至華州城西爲西溪復折而西會石隄谷水北流入渭入谷南行有葫蘆潭谷又南二十五里卽秦嶺嶺南曰桃坪接雒南境由桃坪東南行九十里卽至雒南縣城

又西爲階谷

在華州西南有階谷水北流入渭通志云雒南縣西北

百里有百花嶺嶺之西爲和尚溝又西爲階谷和尚溝之下爲金堆城金堆城之西爲東西桃坪案桃坪卽赤隄谷入雒南之路與秦嶺南之青岡坪金堆城皆要地也

又西爲喬谷山海經謂之英山一名王喬谷一名太公谷一名招谷

在華州西南三十里瓜坡鎮之西有喬谷水北入渭案輿圖喬谷之西北爲豐原東南爲瓜坡鎮南爲大明鎮

由鎮東北行至華州城二十五里

又東南爲高唐鎮

由鎮東北行至華州城三十里有

高唐嶺嶺之南有李峪自李峪南行有路通商維

南山谷口考

十二

關中叢書

自喬谷以西山勢折而南行曰聖山山之南曰澗谷聖山在華州西南三十里自聖山南行十里曰澗谷谷之東爲高唐鎮北曰大明鎮南曰孤相原東赤水發源于此北入渭通志云澗谷之北曰江村原有江村鎮

東北至華州城

三十里江村原之西有牛耳峪

澗谷之西曰龍耳山

在華州西南四十里

又西南曰箭谷一名箭谷嶺山海經謂之竹山

在華州西南五十里渭南縣東南四十里通志云由商州西北行二百里卽達箭谷爲華州渭南連界處

通志云華

州西至箭谷口石家西赤水發源于此北入渭峪下爲
村渭南縣界六十里華州原峪西爲渭南界通志云箭谷之東南曰青岡坪
南通商雒一帶其東南與武關通自青岡坪至東西川
之南曰大嶺即大秦嶺在渭南縣南七十里其東南曰小秦嶺嶺南屬
商州界案潼關以西渭南以東在南爲太華少華諸山
又南則爲大小秦嶺由商雒北出華州渭南諸處必度
大小秦嶺始達平原二嶺之閒爲東西川通志云大嶺南百五十里自青岡坪至東西川之南總謂之大嶺川青岡坪金堆城皆在其內
爲度嶺必由之道度嶺出山箭谷又爲必由之道防禦
未可稍疏也

南山谷口考

十三

關中叢書

右華州南山谷口凡十八州城南距秦嶺八十里附載
通志云商州北八十里有鞞谷嶺嶺下有鞞谷道出華州

右自潼關至華州南山谷口凡四十均隸同州府境

又西南曰葫蘆谷又西南曰黑掌谷

在渭南縣東南有小水二東北流會箭谷水入渭

又西曰鳳凰山

在渭南縣東四十里

又西南曰靈臺山

在渭南縣東南六十里一名七星山山北有寺谷

又西南爲曹谷

在渭南縣東南曹谷之南爲小秦嶺通商州

又西曰大谷

在渭南縣南谷之東南接商州界

又西南曰元象山

在渭南縣南七十里澇水出焉北入渭

元象山之西北曰黃狗谷

黃狗谷之西北有石鼓山一名石樓山東北至縣城五十里其

西南又有馬鞍嶺

在渭南縣南六十里通志云入黃狗谷折而東南有二

山曰南月圓北月圓清水河

即澇水

經其中南月圓山四

南山谷口考

十四

關中叢書

面懸崖僅通一徑上有仰天池池旁有田千餘畝

其西南曰小谷相近有阮谷

小谷在渭南縣南阮谷在渭南縣南七十里通志云阮

谷之東南有莊二曰南古北古其閒有白楊溝岔鐵洞

岔松柏岔皆小道也南古莊之南曰七嶺嶺之南曰大

秦嶺其閒曰南北川東西川東西川之北曰青岡坪坪

西北曰箭谷嶺

即箭谷也

是阮谷亦通商雒要道不可忽矣

案華州之石隄谷箭谷渭南之阮谷皆通商雒而以青

岡坪爲輻湊之區是青岡坪尤爲要地也

右渭南縣南山谷口凡八縣城南距秦嶺七十里附載

通志云維南縣西北至楊家河渭南縣界一百一十里
又案輿圖維南縣西北八十五里有冢嶺山其地有張家坪當
與華渭交界之箭谷相通

自小谷以西南山分爲二支兩山之間爲平川其間有堠

子鎮堠一作厚

堠子鎮在渭南縣西南七十里藍田縣東五十里臨潼
縣東南六十里當南山諸谷之口爲三縣連界處南行
入阮谷路通商州實兵家之衝地也

附攷宋敏求長安志云堠子鎮在渭南縣西南與藍田
縣接界以南山多虎故斥堠于此余案漢書地理志京

南山谷口考

十五

關中叢書

兆藍田有虎候山祠今堠子鎮西南有虎珂山卽虎候
山矣又說文邑部呬京兆藍田鄉也从邑从口讀若口

與呬其音略與堠同今之堠子鎮疑卽說文之呬鄉

南山之脈自堠子鎮西北行者曰分水嶺在渭南縣西南

東北五十里嶺之東南卽阮谷也又西北曰堠子嶺又西北曰牛思嶺嶺東

北有嚴谷嶺南有馬谷又西北曰金山在藍田縣東北三十里又西北曰橫嶺

在藍田縣北三十五里橫接渭南縣界又西北曰驪山在臨潼縣南里許此爲南山

之別幹臨潼在驪山之陰藍田在驪山之陽

案南山至堠子鎮分爲二支其閒道路紛歧四通八達
堠子鎮之西南曰屏風鎮又西爲藍田縣城又西北爲

咽瓠鎮

咽瓠一作洩湖南至藍田縣二十里

又西北為新街鎮

東南至藍田縣四十

里入咸寧境岡巒重複利用伏兵此固兵家出奇之地矣

其東南行入藍田境者曰玉山

在藍田縣東南三十里一名覆車山

通志云驪山乃漢

書地理志所謂藍田山出美玉是也案渭南之西北臨

潼之東無大山別出者惟驪山一支耳南入藍田境則

萬峯峻峙高接雲天卑者為嶢蕢諸山高者為秦嶺正

幹古所謂繞雷青泥諸險多在于此故論驛傳以臨潼

為衝途論行軍則以藍田為要隘云

南山谷口考

十六

關中叢書

白玉山以西山勢復分為二支其西北行者曰虎珂山

漢書

地理志謂之虎侯山

在藍田縣南十里相近有悟真谷

又西曰七盤山

在藍田縣南十里一名七盤坡赴商州者必取道於此

通典所謂七盤十二絳藍田之險路也漢書王莽謂王

級曰繞雷之固南當荆楚其即斯歟

師古曰繞雷者言四面塞阨其道屈

曲谿谷之水回繞而雷也其處即今商州界七盤十二繞是也余案繞雷字亦作嶢柳

自玉山折而東南曰輕谷

一名次南曰銅谷一名傾谷同谷

均在藍田縣東南五十里谷中水均西流入灞

又西南曰倒溝谷一名倒回谷

西至留谷五里

在藍田縣東南五十里有倒溝谷水一名石門水西北流入灊藍田縣志道路攷由縣城東行十五里曰普化鎮又十五里屏風鎮又五里玉山又二十里倒溝谷又十里黃沙嶺又三十五里萬軍迴又二十里大龍廟

通志

云係渭南縣界

又二十里麻家川又三十里董家樓

入維南界

又九

十里至雒南縣城○案陝西通志言倒溝谷即藍田谷今攷咸寧縣志及藍田縣志水道圖藍田谷均在留谷之西而倒溝谷在留谷之東通志疑誤也今留谷之西為藍田谷或即漢志之藍田谷歟

南山谷口考

十七

關中叢書

自倒溝谷以西山勢復折而西行谷之東曰鳳兒山一名阜兒山

在藍田縣東六十里

谷之西南曰劉谷今名留谷

西至藍田谷二十里

在藍田縣東南五十里有留谷水西北流入灊道路攷由商州西行百里至黑龍口

通志云相傳漢高祖入武關兵分二道一出藍田一

出又西三十里鐵樓子又二十里張家坪又二十里李家坪又十五里劉谷口

即劉谷也

又五十里藍田縣城由此

路行走山路崎嶇可越過牧護關

又西曰藍田谷

西至輞谷三十里

在藍田縣東南三十里灃水出焉西北流會澇入渭漢
書地理志所謂京兆南陵灃水出藍田谷北入渭是也
谷之南有牧護關為赴商雒要道道路攷兼采藍田縣志及三省邊防書由藍田縣東南行十五里七盤坡又二十里北渠鋪
又二十里藍橋鋪又二十里新店鋪又二十里牧護關
入商州界又二十里郭家店又三十里大商原又十里泥谷
店又三十里麻澗鋪又二十里梁家原又二十里商州
城又東一百八十里至武關此為由楚豫出商州走陝
西孔道所謂武關路也○案通志引元和郡縣志云藍
田關在藍田縣東南九十八里括地志云即秦嶢關也

南山谷口考

十八

關中叢書

今案牧護關在藍田縣東南九十五里與舊志嶢關地
望僅差三里然則嶢關藍田關牧護關實一關矣顧氏景范
曰由河南南陽湖廣襄鄖入秦者必道武關自武關而
至長安四百九十里多從山中行過藍田始出險就平

又西曰鄧家嶺

在藍田縣城東南

又西曰嶢山

在藍田縣城南二十里一名青泥嶺水經注嶢柳城漢書

作繞亦謂之青泥城

又西曰輞谷西至採谷二十五里

在藍田縣西南二十里為嶢山之口有輞川西北流入

灊長安志云鞞谷有細路通上洛即今商州漢道路攷

入谷口南行三十里曰董家崖又四十里馮家印又二

十里鐵鎖橋又五里葛牌鎮又二十五里秦嶺口又三

十里雞冠梁又二十里花紅溝又三十里馬家山入鎮安界

又一百一十里至鎮安縣城又入谷口西南行二十里

曰石灰廠案三省邊防書云由石灰廠四十里至魏家寨又五十里至西安省城亦間道又三

十里雷家川又三十里紅門寺又三十里板廠又三十

里紅石溝又二十里曹家坪入鎮安界又四十里彩玉窰又

三十里上孟里又十里兩岔河又十里胡家寨又二十

里胡家嶺又二十里五峪溝又四十里王家坪又十里

南山谷口考 十九 關中叢書

鎮安縣城

又西曰土門谷又西曰代谷水經注謂之雀谷又西曰楊谷水經注謂

之大又西曰孟谷

均在藍田縣西南有小水四北入灊

又西曰採谷西至湯谷十里

在藍田縣西南三十里有採谷水北入灊長安志云採

谷有細路通上洛

又西曰石門谷谷之西北有湯泉故俗名湯峪西至庫谷十里

在藍田縣西南四十里有石門谷水北入灊咸寧縣志

云自西安省城東南行十五里曰三兆又二十五里鳴

犢鎮又五里至藍田界入湯峪路入谷南行可達孝義
廳之龍王廟溝縣志又云由孝義廳之龍王廟溝西
北行出湯谷至縣治二百二十里通
志云唐時于谷南置大昌關為戍守處

又西為庫谷

水經注謂之苦谷○
谷西至柘坡谷七里

在藍田縣西南五十里咸寧縣東南八十里為藍田咸
寧交界處有庫谷水北入灞三省邊防道路攷由鎮安
縣東行五里曰舊寺又十里表德鋪又十五里攔馬河
又三十里黃龍鋪又三十里巖屋河又十里大坪又三
十里石灣鋪又三十里鳳凰嘴又二十里黃家店又二
十里採玉腦又五十里閻王溝又二十里沙嶺又十八

南山谷口考

二十

關中叢書

里陰溝口又十八里小嶺又二十里

翻大山

秦嶺又二十

里大苦峪口

即庫谷

又九十里沿山西行至引駕迴又四

十里西安省城此為鎮安達西安之閒道

水經注藍田
有廣谷方輿

紀要藍田有圍谷通志
水利圖藍田有散谷

右藍田縣南山谷口凡十七縣城東南距秦嶺一百二
十里南距秦嶺八十里

附載商州雒南孝義鎮安赴藍田徑路

通志云商州西北至鄭家坪藍田縣界一百四十里○
三省邊防道路攷由商州西行二十里曰梁家原又二
十里麻澗鋪又三十里泥谷店由泥谷店迤西南又五

十里油磨又二十里康家河與藍田連界山路崎嶇○
又由商州西行百里至秦嶺又六十里至黃栢岔與藍
田連界山坡小路○又由商州西之楊峪河西北行十
里曰五谷川又十里房家店又三十里管家坪又二十
里白石山與藍田連界山坡小路○又由州屬之麻子
溝迤南行二十里曰赤水谷又三十里東牛槽又二十
里西牛槽與藍田連界山路盤曲○又州西九十里有
白龍洞近藍田界○由雒南縣西行十里曰柳林鋪迤
西北三十里曰保安街口又四十里兩岔河又二十五
里馬家河與藍田接界山坡小路○由孝義廳東行至

黑虎廟折而北行經粗子川平水南河口北河封家河
紅崖子與藍田接界山路陡險○鎮安縣東北百五十
里有東采谷西采谷與藍田接界○又由鎮安東北百
里之杏樹坪向北三十里曰牛槽溝又四十里黃土碓
又二十里紅崖子又一百九十里至藍田縣城山溝小
路○又由杏樹坪四十里磨古莊又二十里瓦房口又
二十里師子口又三十里曹家坪又二百一十里至藍
田縣城山坡小路○方輿紀要藍田有紅鄉溝有閒道
通潼關○嚴如煜曰商州古商於地漢高祖入關卽由
此路故商州爲秦中必守之險州轄四縣鎮安居南山

之中四通八達山陽商南與楚之鄖西上津接連雒南
密邇豫州各邑均山大林深稽防未可稍疏也

自庫谷以西其山曰終南山一作中南其谷曰柘坡谷水經注謂之研

盤谷音之轉也谷西至大義谷二里

在咸寧縣東南案庫谷以西盤屋以東其山皆名終南
筭山則岡原回互氣象雄闊故會垣適當其處南山諸
谷距省城遠者百餘里近者悉數十里隄防尤要矣○
嚴如煜曰教匪之亂西安各峪口賊初頻頻窺伺後素
觀察納團練民勇徧設卡倫分布防堵時屬紳士震金
鼓揚旌旗分隊巡邏聲勢甚壯賊不敢犯平原所保全

南山谷口考

二十一

關中叢書

者甚多亦可知團練之功未嘗無成效也

又西爲大義谷俗名大峪口

谷西至白道谷三里

在咸寧縣東南六十里潏水出焉西北流會鎬水即交

又西會灃水入渭北周庾信義谷銘序云東出藍田則

控灞乘滻西連子午則據涇浮渭其形勝可知矣長安

志云義谷在長安縣東南八十里東南至乾祐縣唐置

縣屬商州後改乾元縣五代漢改乾祐縣元廢爲乾祐

關一名舊縣關卽今孝義廳治在鎮安縣北九十五里

及金今興安府商等州西南有路至興元府今漢中府案今由大

峪口至孝義其正南通興安其西南通漢中與古路合
惟山路峻峭較棧道尤險也三省邊防及咸寧縣志道

路攷由西安省城南行二十五里曰鮑陂又二十五里引駕迴又十五里大峪口又二十五里鎗風鋪又二十里板廟子又三十里秦嶺入孝義廳界又五十里鑪子石又三十里大山岔即孝義老城又三十里藥王堂又二十里孝義廳城計程二百七十里大峪口逼近省垣為孝義赴西安孔道防禦未可稍疏也咸寧縣志云由谷嚴如煜口至秦嶺七十里曰由咸寧引駕迴進大峪口上下秦嶺七十里山勢穹窿一徑羊腸蟠折于叢林懸巖之間稍不戒則人馬墜深澗大山岔在秦嶺南地稍平夷又南則孝義廳城乃南山扼要之處不可忽也○又咸寧縣志云由鎮安之

南山谷口考

二十三

關中叢書

磨溝西北行出大谷至縣治三百二十里

又西為白道谷

在咸寧縣東南有白道谷水西入瀆通志云谷內有嘉五臺山及蒼鷹嶺

又西為錫谷一名小義谷俗名小峪口

谷西至羊谷二里

在咸寧縣東南六十里有小義谷水西入瀆谷之內有

仙人潭長安志云錫谷東南有路至舊歸安鎮

宋敏求長安志

云歸安鎮在乾祐縣南一百二十里案乾祐即今之孝義廳是歸安鎮當在孝義廳南鎮安縣界余疑今之鎮安縣即由古歸安鎮而得名也故歸安鎮當在其地或云歸安鎮在興安府城北五里一名香樟壩疑誤

合大義谷路通漢中是昔之錫谷即今之小峪口矣

咸寧

縣志輿圖大義谷之西咸寧縣志云谷口南至秦嶺五
即小義谷蓋即錫谷也

十里入谷南行至板廠有路至孝義廳

又西為羊谷一作陽又西為土門谷又西為交谷一作郊

均在咸寧縣東南有小水二注交水交水即鎬水西北

流會滴水又會灋水入渭

又西為太乙谷一名炭谷太炭雙聲緩言之曰太乙谷急言之則曰炭谷

在咸寧縣東南六十里有太乙谷水北入潏入谷南行

三十里至岳坪嶺接孝義廳界案韓昌黎有題炭谷湫

祠堂詩是炭谷之名在唐已著其詩云石級皆險滑顛

齊莫牽攀則谷中之路險可知矣

南山谷口考 二十四 關中叢書

又西為小庫谷又西為康谷又西為小陽谷又西為大陽

谷又西為白石谷又西為竹谷

均在咸寧縣東南六十里有小水六西北注交水

又西為石鼈谷谷口有大石如鼈因名一名石壁谷

在咸寧縣西南五十里為咸寧長安連界處有石鼈谷

水北流會交水注灋入渭入谷東南行七十里至岳坪

嶺為達孝義廳路縣志云由谷口至孝義廳界一百四十里入谷西南行至

葦子坪為達寧陝廳路縣志云谷口西南至寧陝廳界五十里寧陝廳志

云石鼈谷在廳北五百一十里

右咸寧縣南山谷口凡十五由縣城南行入大峪口至

秦嶺共百四十里入小峪口至秦嶺共百一十里此統平原

之路而言若入山之後大峪口距秦嶺僅七十里小峪口距秦嶺僅五十里耳附載咸寧縣屬

之龍王廟溝在城東南一百八十里與孝義藍田接界

溝水北流入藍田輞谷自溝中西北行出湯谷至縣治

二百二十里又縣屬之磨溝在城南二百八十里與鎮

安接界自溝中西北行出炭谷即太乙谷至縣治三百二十

里○又栗園寨山在鎮安縣西北八十里相近有王谷

嶺接咸寧界又考山在鎮安縣北百七十里亦與咸寧

接界自栗園寨以下均見陝西通志輿圖案通志修于

雍正時彼時尚未開設孝義廳故鎮安之北地界極廣

南山谷口考

二十五

關中叢書

以今地望準之栗園寨諸處當撥入孝義廳矣未知其
詳姑存舊說以資參考

又西為黃谷

在長安縣南

又西為梗梓谷一名便子谷見隋碑俗名東西田子峪又名

駱駝山

在長安縣南有梗梓谷水西北流會交水注灃入渭寧

陝廳志云梗梓谷在廳東北五百四十里

又西為豹林谷俗名抱龍峪

在長安縣南有豹林谷水西北流會交水注灃入渭寧

陝廳志云豹林谷在廳北五百四十里

又西爲子午谷

在長安縣南六十里有子午谷水北流會交水注灃入

渭通典云由漢中入長安取子午谷路凡八百四十一

里唐天寶中涪州貢生荔支取西鄉驛入子午谷不三日至長安顧氏景范曰子午道

南口曰午在漢中府洋縣東百六十里北口曰子在西

安府城南百里案今由省城至子午谷口僅六十里耳谷長六百六十里

或曰卽古蝕中也蝕讀力谷南通梁沔孔道四出與儻洋

縣見蓋褒見褒斜見郿稱六大谷漢元年漢王之國

南鄭從杜南入蝕中去輒燒絕棧道案兩漢棧道皆以木爲之後人始沿

南山谷口考

二十六

關中叢書

山開路謂之礪路夫古人之智豈果不若今人哉蓋天生之險不可以人力隳之也故荆爲棧道以通往來有警卽燒絕之使我不能往彼亦不能來敵人卽欲開徑自行亦己大費工力矣此古人保險之微意也自後人沿山開路于是天生之險闢爲坦途而防不勝防蓋卽矣古人似拙而實巧今人似巧而實拙皆此類也蓋卽此漢元始五年王莽通子午道從杜南直絕南山逕漢中後漢建興六年武侯伐魏魏延請曰夏侯楙怯而無謀今守關中願假延奇兵五千負糧五千直從褒中出循秦嶺而東當子午而北不十日可到長安楙聞延奄至必棄城走比東方合聚尙二十許日而公從斜谷來亦足以達如此則一舉而咸陽以西可定矣武侯以爲危計不用延策景曜六年魏鍾會分兵由于子午谷入漢

中蜀遂不守晉永和十年桓温伐秦遣梁州刺史司馬
勳出子午谷向長安五代漢天福十二年蜀將李廷珪
出子午谷援長安明孫傳庭討流寇亦命賀人龍出子
午谷奪其南徑蓋用武之要地故漢代置子午關

元和郡縣

志云關在長安縣南百里漢通子午道因置此關案當在今寧陝界中也寧陝廳志云子午

谷在廳北四百八十里案子午谷以南之地本隸長安
嘉慶中平定教匪乃劃谷以南設寧陝同知復設參將
營亦守險扼要之意也三省邊防道路攷由寧陝廳城
北行二十里曰豹子溝又二十里七佛溝又二十里火
地又二十里蓮花石又二十里文公廟又二十里油磨

南山谷口考

二十七

關中叢書

又二十里洵陽壩又三十里雞公梁又三十里徐家梁

又三十里白神廟

有城江口營都司駐此

又十里東江口

長安縣主簿駐

此又三十里苦竹溝又二十里高關又二十里沙溝又

二十五里夾嶺又二十里秦嶺又三十里石羊關又二

十里葦子坪

入長安界

又三十里子午谷

一名官坪寺

又十里子

午鎮又十里出平原至黃良鎮又三十里西安省城共

程五百里爲漢中興安兩郡赴西安孔道由鎮安縣西

行三十五里曰典史溝又二十五里藥王廟又四十里

沙溝口又五里

過大河

霸王灘又二十里

陡坡

盤陀山又十

五里

過小河

余師溝又三十里楓香園又四十里穆王坪

又四十里栗札坪又五十里太山廟又五十里賈冢營
又四十五里至寧陝城合前路出子午谷至西安此爲
鎮安繞道寧陝赴西安之路而以東江口爲要隘云嚴
如煜曰由長安子午谷口至五郎關即寧陝廳城重山複巘
沿塗並無平壩而東江口爲適中倚山臨水山勢陡險
溪流湍激南至徐家壩四十里北至高關五十里沿溪
流而下爲仁河通鎮安西路東通月河經竹山溝沙羅
帳至孝義廳界東北由高關經沙嶺子百丈碓至鄠縣
之澇谷由青龍谷八十坪接連蓋屋之秦嶺四路相通
爲山內扼要之區故長安主簿駐此又立江口營都司

南山谷口考

二十八

關中叢書

置兵防守

又西爲白石谷又西爲太和谷

一作太河谷

均在長安縣南五十五里有小水二注交水會澧入渭
又西爲豐谷

在長安縣西南五十五里豐水出焉北入渭漢書地理
志所謂右扶風鄠豐水出東南北過上林苑入渭是也
寧陝廳志云豐谷在廳北四百四十里

又西爲祥谷

在長安縣西南

又西爲高冠谷一名高觀谷

在長安縣西南鄠縣東南三十里有高冠谷水北流會
灃入渭谷口有鐵鎖橋爲長安鄠縣連界處通志云谷
內有高冠潭老軍渴倉頭岔相近又有神水谷谷內有
睡佛洞○志云神水谷在鄠縣東南三十里

右長安縣南山谷口凡十縣城南距秦嶺一百三十里
附載山陽縣至西安徑路

三省邊防道路攷由山陽縣西行八里曰桃源由桃源
折而西北三十里曰韓家山又二十五里黑山口又三
十里秦嶺又三十五里赤水峪又四十五里兩河又五
十里金銀川又六十里石灰廠又四十里魏家寨

在省城東

南山谷口考

二十九

關中叢書

南與涼風原白鹿原相近亦省城赴藍田之路也寨之西爲引駕迴城卽漫川關案石灰廠在藍田縣鞞谷內此路以鞞谷爲出山之口可以越過藍田直達西安故附記于此

又西爲太平谷一名林谷

在鄠縣東南三十里有太平谷水北流會灃入渭通志
云谷中有萬花山又有藥王洞黃崖洞草坪

又西爲扈陽谷今訛爲化羊谷

在鄠縣東南有扈陽谷水北入渭

又西爲檀谷

在鄠縣東南

又西爲曲谷

在鄂縣南三十里通志云谷內有蓮花山石灰廠蒿萃潭石青洞斑鳩嶺上至一碗泉嶺又相近有黃柏谷內有土地嶺又有烏桑谷內有長仙洞觀音淬赤干嶺

又西曰阜谷

在鄂縣西南二十里有阜谷水北入渭通志云阜谷內有東平溝西平溝子房洞兵溝鐵樓溝黃土坡又石門有仙人跡將軍石由山口至上銀洞三十里

又西爲直谷

在鄂縣西南有直谷水北入渭

南山谷口考

三十

關中叢書

又西爲栗谷

在鄂縣西南二十里有栗谷水北入渭通志云谷內有馬蓮岔車轅坡石牆溝東夾溝西夾溝由山口至黑龍大王嶺約三十里

又西爲馬谷

在鄂縣西南

又西爲澇谷

在鄂縣西南二十里爲鄂縣整屋連界處澇水出焉許君說文所謂澇水出扶風鄂北入渭是也案司馬相如上林賦云鄂鎬潦澇潦水即澇水漢書郊祀志鄂縣有勞谷五林山祠勞谷即澇谷通志云去澇谷二

里有支鍋潭潭南有臥龍石桃花溝磨石溝瓦筍溝十
八盤銀洞溝朝陽溝沿谷兩岸則西盩東鄠分界也張
士奇曰谷內苦竹溝八里坪梨園坪土地并肥美三省
邊防道路攷由寧陝廳北之高關里數見子午谷下西北經蒿
溝八里坪沙嶺子兩郎百丈礪出澇谷計程二百餘里
爲寧陝東江口出鄠縣小道自兩郎至澇谷口石山削
立沿溝而行夏秋水漲則人跡阻隔○附載方輿紀要
引唐六典云鄠縣有庫谷有庫谷關今未詳所在附記
于此

右鄠縣南山谷口凡十二

南山谷口考

三十一

關中叢書

又西爲華陽谷

在盩厔縣東南

又西爲石鏡谷

在盩厔縣東南七十里谷南十里有五泉嶺谷之東爲

清涼山又東四里爲澇谷接鄠縣界

又西爲甘谷

東至石鏡谷四里

在盩厔縣東南七十里甘谷水北入渭通志云谷之

東爲望仙坪西爲遇仙觀

又西爲耿谷今訛爲景谷

東至甘谷十里

在盩厔縣東南六十里有耿谷水北入渭通志云谷南

六十里有高山嶺有池周五里

又西為檀谷今名大渠谷東至耿谷三里

在整屋縣東南通志云谷南有紅石洞

又西為牛谷今名牛角岔東至檀谷三里

在整屋縣東南

又西為赤谷

在整屋縣東南五十里有赤谷水北流為渠溉民田通

志云谷南五里曰迎陽洞

又西為田谷

在整屋縣東南三十五里有田谷水北入渭通志云谷

南山谷口考

三十二

關中叢書

南五里為仰天池在山頂又南五里為十老洞縣志云

自谷而南六十里為金井又南一百八十里即柴溝關

為達漢中寧陝之路三省邊防道路攷由寧陝廳城西

北行三十里曰金雞山又三十里甘家碛折而北行三

十里曰黃官谷又三十里長坪又二十里陰灣又二十

里裏巢口又二十里中水磨又二十里上水磨又三十

里花石崖又二十里菜子坪又四十里秦嶺又五十里

木子坪入整屋境又二十里金牛坪又十五里鐵鑪岔又四

十里田谷口又二十里出平原終南鎮又三十里整屋縣

城共程四百六十里極其幽險案通志輿圖出田谷口東行至祖菴鎮為達鄴

縣之路西行至終南鎮爲達盩厔之路 ○陝西通志云盩厔縣東南四十

里有五福山其南鳥道縈紆可通洋縣案輿圖五福山在田谷之南相距僅數里

又西二里爲聞仙谷

在盩厔縣東南通志云谷東崖有呂公洞

又西二里爲東觀谷

在盩厔縣東南三十里通志云谷東爲臥牛池

又西二里爲西觀谷俗名塔兒谷

在盩厔縣東南通志云谷南三十里有樓子山

又西二里爲飛昇谷

南山谷口考

三十三

關中叢書

在盩厔縣東南

又西三里爲就谷 三省邊防圖作岫谷

在盩厔縣東南三十里有就谷水北入渭通志云就谷之南爲樓觀臺又南爲說經臺其西爲吾老洞

又西二里爲馬岔谷 三省邊防圖作馬谷 又西五里爲團標谷 標一作彪

又西五里爲黃谷 一作黃巢谷

均在盩厔縣東南縣志云黃巢峪口有塘房有守兵

又西爲黑水谷一名芒谷

在盩厔縣南二十五里黑水出焉北入渭 舊志云黑水爲縣境之大

川谷南三里又有韓谷通志云入谷南行一百八十里

卽達秦嶺爲入漢中道三省邊防道路攷由寧陝廳城

西北行一百二十里至四畝地折而北行三十里曰柴

家關

通志云柴家關在整屋縣南微東三百六十里自黑水谷歷桃李坪爛柴灣石牛灘逾柳葉河登峻

逾險至老虎坡梨樹坪小王澗一堵牆越秦嶺六十里置關道通洋縣明正德時設巡檢司今裁案柴家關今

隸寧

陝廳又十五里太山廟又二十里麻房子又二十里火

地又二十里濫泥湖又十五里十里河又二十里文公

廟又二十里

翻秦嶺

至渣口石

入整屋境

又二十五里虎狼坡

又二十里新店子又二十里小王澗又二十里雙岔河

又十里鐵索橋又十里黃草坡又四十里陡嘴子又三

十里唐家場又二十里乾谷灣又十五里仙游寺又十

南山谷口考

三十四

關中叢書

里黑水峪口又四十里出平原至整屋縣城共程五百

四十里陡嘴子上下六十里直接霄漢尤爲幽險嚴如

煜曰四畝地在寧陝西一百二十里連山疊巘萃嶽紛

紘其西通洋縣之陳家壩其西北通整屋之渣口石爲

山內要隘舊設都司營今改分防把總

又西五里爲虎谷又西二里爲鬩斗谷

均在整屋縣南二十五里

又西二里爲新口谷

在整屋縣西南二十七里有新口谷水北入渭留壩廳

志云由漢中趨城固東原公至洋縣馬暢進瀟水口歷

鐵冶河沙壩至盩厔之二郎壩黃柏園楊泗廟都督河

扇子山

自二郎壩至扇子山今與佛坪廳連界佛坪後設隸漢中府即三省邊防圖之佛爺坪也其地

東北接盩厔西北接郿縣為扼要之區故添設同知又設守備營以資控守厚畛子父子嶺

玳瑁河入斗河高莊砭黑河橋至老君嶺正北歷寬河

范家臺青岡砭出辛口谷達長安計險七百數十里亦

南山之閒道也

又西三里為黑鳳山

在盩厔縣西南

又西二里為西駱谷

在盩厔縣西南三十里有西駱谷水北入渭縣志云西

南山谷口考

三十五

關中叢書

駱谷有塘房有守兵通志云入谷南行八十里曰十八

盤關

路通西鄉鳳縣明設巡司今裁

又南十里至河底鎮為故駱谷關

路通洋縣明設巡司今裁

通典云漢中至長安取駱谷路凡六百五

十二里顧氏景范曰儻駱道南口曰儻在漢中府洋縣

北三十里北口曰駱在西安府盩厔縣西南百二十里

案駱谷口距盩厔縣三十里駱谷關距盩厔縣一百二十里顧氏所云乃駱谷關非駱谷口也

谷長四

百二十里其中路屈曲八十里凡八十四盤後漢延熙

七年魏曹爽來侵諸軍入駱谷三百餘里不得前牛馬

轉運死傷略盡引還費禕進據三嶺以截爽

三嶺一曰沈嶺在盩

厔縣南五十里一曰姜維嶺即衙嶺在鳳翔府郿縣西南三十里俗謂之馬鞍山一曰分水嶺在乾州武功縣

南胡氏曰自駱谷出右扶風間以終南山其間有三嶺也一云駱谷有三嶺關爽失亡甚眾二

十年姜維引兵出駱谷至沈嶺魏鄧艾拒卻之景耀六

年鍾會分兵從駱谷趨漢中晉永和五年梁州刺史司

馬勳出駱谷破趙長城戍壁于懸鉤長城戍在整屋縣西南三十里王伯

厚曰懸鉤在長城戍東地險固內控駱谷之口外通唐雍豫之境既而勳釋懸鉤東出武關遂拔宛城也唐

武德七年開駱谷道通梁州興元初德宗由駱谷幸興

元今漢中府自是關中多故朝廷每由駱谷幸山南以其道

之近且便也留壩廳志云唐德宗幸梁州史稱由駱谷

進又言陸贄于黨谷失道則其道在華陽今為華陽鎮在洋縣北一

百五十里華陽山下唐於其地置華陽縣屬洋州又置華陽關為梁洋要地厚畛子一路由

南山谷口考

漢中趨城固東原公至洋縣馬暢進黨水口歷鐵冶河

沙壩至整屋之二郎壩黃栢園楊泗廟都督河扇子山

厚畛子父子嶺玳瑁河入斗河高莊砭黑河橋老君嶺

與出新口茅坪出駱谷此路山幽谷險崎嶇難行非褒

斜二谷比也道路攷自洋縣城西北行二十里曰田家

嶺又二十里漢王山又二十里羅司灘又二十里黑峽

子又二十里銀杏壩又二十里牛嶺又三十里華陽又

東北行二百八十里至厚畛子復東北行二百四十里

至整屋縣城計程六百七十里案由洋縣東北之教場壩翻秦嶺至整屋縣城

僅三百七十里其路尤捷嚴知煜曰由華陽至厚畛子二百八十里

由厚畛子至盩厔縣城二百四十里皆要隘也華陽古縣治今有土堡西水環其前沃田數十頃南行經大小牛嶺漢王山至洋縣城一百五十里其北經厚畛子至盩厔縣城五百二十里其東北接盩厔之太古坪其西北接盩厔之二郎壩其正北接佛爺坪即佛坪廳層巒疊嶂四塞之區故洋縣縣丞駐此又設都司營以資控守案華陽之北厚畛子之南為新設之佛坪廳三省邊防圖作佛葉坪由佛坪廳城西北行可達郿縣東北行可達盩厔亦要地也

又西八里為稻谷

在盩厔縣西南有稻谷水北入渭通志云稻谷東四里

南山谷口考

三十七

關中叢書

有耐山又東為駱谷

又西五里為強谷一名強弩谷

在盩厔縣西南三十八里有強谷水北入渭

又西三里為車谷一名底保谷

在盩厔縣西南通志云谷南十五里有翠峯上有唐仙

姑祠

案三省邊防圖稻谷強谷車谷姑祠均有路通佛葉坪今佛坪廳

又二里為安樂山

在盩厔縣西南

又西五里為韋谷今訛為泥谷

在盩厔縣西南為盩厔郿縣連界處有韋谷水北入渭

谷南三十里爲掃帚嶺有路通佛坪廳谷之北十里有倉谷又北有故縣谷

右整屋縣南山谷口凡二十八由縣城東南行入田谷路至秦嶺共一百七十五里由縣城南行入黑水谷路至秦嶺共二百零五里此兼平原之路而言若田谷口至秦嶺僅百八十里耳詳見上○附載通志云由洋縣東北至五顆

樹整屋縣界二百四十里又志云整屋縣南九十五里舊有嶼洞山砦又整屋縣東南四十里有五福山其南鳥道縈紆可通洋縣嚴如煜曰整屋山內東與鄠縣寧

陝南與洋縣西鄉西南與城固留壩西北與鳳縣寶雞

南山谷口考

三十八

關中叢書

山內皆相接連其地方之遼闊山谷之阻深較甚寧陝自老君嶺以南見前駱谷路下三省邊防圖有東西二老君嶺卽入老林其北近縣治一二百里開設木場圓木猴柴由辛谷口黑水谷西駱谷而抵渭河漸次開墾老君嶺而南厚畛子四十里至都督河西六十里至黃柏園西北至頭太白埡二太白埡三太白埡案此路當由郿縣之大則經通岐山縣之三才峽案三省輿圖三才峽之路東北出郿縣西南六十里至二郎壩由二郎壩西北觀音峽厥場坡雞冠梁至磨房溝由雞冠梁之分水嶺均通鳳縣山內由二郎壩西大小牛尾河平頂關至留壩之太白河南

由都督河進二十四壩藥扒西至華陽由都督河東佛爺坪今佛坪廳火燒營至鼇山大南小南由火燒營南至洋縣之涼風壩太古坪月亮坪由厚畛子東南太平河長嶺至板房子黑圪塔與寧陝老林相接蒼鬱蒙密周圍數百里南山老林此內最爲廣闊稽查防範不可稍疏也余案巖氏之論就未設佛坪時而言故整屋山內之地幅員最廣自新設佛坪整屋山地大半撥與佛坪而山內老林日事開墾則今日閒道較昔日尤多防範更爲不易况南山谷口整屋一縣共有二十八處路路可通故論驛傳以咸陽爲衝途論行軍以整屋爲閒道嘉

慶時教匪齊王氏突出峪口經略額侯有整屋之捷賊遂不敢窺三輔然則整屋一縣實爲省垣西南之屏蔽論形勢者豈可忽歟

安康張補山先生曰西鄉之北接石泉石泉之北接寧陝寧陝之北接整屋相距二百餘里

右自渭南至整屋南山谷口凡八十三均隸西安府境自韋谷西南其大山曰太白山

在郿縣東南四十里山南爲洋縣留壩境山北爲郿縣境山東爲佛坪境山西爲鳳縣留壩境秦中之望山也其高處四時積雪故名太白漢書地理志右扶風武功

泰壹山古文以爲終南垂山古文以爲敦物余案古文垂字似物

字故垂山一皆在縣東攷漢之武功縣在今郿縣境非

今之武功也今之武功乃漢之美陽今之郿縣得漢武

功地而太白山實在縣東然則今之太白山即漢志之

終南敦物也蓋城邑雖殊而山川不改矣水經注云武

功縣太一山一名太白山去長安二百里俗云武功太

白去天三百山下行軍不得鳴鼓角鳴則疾風暴雨至

今山中靈蹟甚多山顛有龍湫祈雨多驗通志云郿縣

武功山即古垂山俗名鰲山今案岐山之南有奧山

郿縣之南有鰲山蓋屋之南有鰲山皆古垂山矣
又西爲大振谷一名大棧谷又西曰湯谷又西曰潭谷又

南山谷口考

四十 關中叢書

西曰黑谷又西曰赤谷又西曰洛谷又西曰桐谷

均在郿縣東南有小水七北入渭通志云入洛谷南行

五十里至太白山至洋縣界道路不通難以里計余案

通志修于雍正年彼時山林未開故不知里數今則山

中老林漸次開墾諸谷之間當有捷徑矣三省邊防圖

谷之東有地名遠門

口中有細路通留壩
又西曰萬戶谷又西曰井素谷又西曰磨石谷

均在郿縣南有小水三北入渭

又西爲蒼龍谷

在郿縣西南有蒼龍谷水北入渭

又西爲斜谷

在郿縣西南三十里有斜谷關通志云入谷口二百二十里抵鳳縣界西出連雲棧復一百五十里出褒谷口抵褒城謂之褒斜道兩崖高峻谷中水南北分流漢書地理志所謂右扶風武功斜水出衙嶺山北至郿入渭褒水亦出衙嶺山至南鄭入沔是也

今斜谷內有桃川

之上源又有號川南流入鳳顧氏景范曰褒斜道南口

縣爲紫金河卽褒水上源也曰褒在漢中府褒城縣北十里北口曰斜在鳳翔府郿縣西南三十里谷長四百七十里建安二十二年昭烈帝爭漢中曹操出斜谷以臨漢中不克既還數言南鄭

南山谷口考

四十一

關中叢書

爲天獄中斜谷道五百里石穴耳言其深險也後漢建興五年武侯北伐使諸軍運米集于斜谷口治斜谷邸閣魏延請以奇兵出子午谷武侯不用乃揚聲由斜谷道取郿魏使曹真屯郿谷以拒之八年魏曹真欲由斜谷侵漢陳羣曰斜谷阻險轉運有鈔襲之虞十二年武侯作木牛流馬復運米集斜谷口治斜谷邸閣率大眾出斜谷至郿軍于渭水南之五丈原

呂祉曰原高平廣遠行軍者必爭之

地也通志云原在郿縣西南二十里接岐山界有蘭坑膏腴可田魏郭淮嘗屯田于此案武侯屯兵五丈原以其地緊接斜谷口背山面河進可以戰退可以守也景耀六年魏鍾會分兵從斜

谷駱谷子午谷趨漢中唐興元初李懷光朱泚之亂德

宗幸梁州既而渾城率諸軍自斜谷出拔武功屯奉天
州今乾皆由此道自昔為出奇之地矣留壩廳志云斜谷
在郿縣武侯治樂城樂城今為城固然則武侯伐魏北
出斜谷即今城固小河口趨斜谷路也計至長安較襄
谷路即漢中赴捷二百數十里客商尚多取徑于此道
路攷由城固縣東北行三十里原平至許家廟又二十里
險雞冠梁又三十里險石偃坪又三十里險雙溪又三
十里險半小河口又六十里險桅杆石梁又六十里險西
江口屬留壩廳又三十里險柘栗園又三十里平王家堖又
三十里險半苦竹街又二十里平寇家關又三十里險進
南山谷口考 四十二 關中叢書

口關屬鳳縣○通志云進口關在鳳又三十里平上白

雲又四十里險半方柴關屬寶雞又十五里平號川寶雞巡檢駐此

通志云號川在寶雞縣東南百五十里路通漢中有號川水源出奧山下北流十里又折而西流六十里逕進

口關入鳳縣界為紫金河上源號川之西北三十里有金牙關其南通鳳縣其北與岐山郿縣寶雞連界亦間

道又十五里險半杜家莊屬岐山縣又二十里平桃川通志云在

岐山縣南百五十里其水出大山中流為斜水逕太白峽斜谷關北流入渭川西有五星坡嶺川東有八里漫

嶺相近又二十里險半鸚哥嘴又四十里險斜谷關由

有青峯山在郿縣東亞柏在整屋縣西經整屋鄠

關東北趨槐牙在郿縣東亞柏在整屋縣西經整屋鄠

縣平行至西安省城共二百四十里案通志云由槐牙至橫渠鎮二十里

由橫渠鎮至整屋之亞柏二十五里由亞柏至鄠縣城二十五里由鄠縣至省城七

十里計程二百二十里由斜谷至槐牙里數志中未詳
當亦不下四五十里而留壩志云由斜谷取道槐牙亞
柏等處至省城共二百四十里以地里準
之不應若此之近姑存其說以俟詳攷
共程八百八

十里余案褒斜二道古屬通稱其實由褒者不必由斜
由斜者不必由褒也以今道里攷之一由褒城谷口入

連雲棧至鳳縣折而東北行取道草涼驛逕紅花鋪長
橋黃牛鋪江龍溝東河橋煎茶坪觀音堂二里關即大散關

大灣鋪至石家營鉅寶雞縣城二里渡渭而北抵寶雞又東為

岐山又東為扶風又東為武功又東為興平又東為咸

陽復渡渭而南至西安此為孔道漢高帝由故道今鳳縣

出陳倉今寶雞還定三秦即由此路所謂褒谷路也其路

坦而迂一由城固之小河口經留壩之西江口鳳縣之
進口關寶雞之虢川岐山之桃川又經鸚哥嘴出斜谷
抵郿縣不渡渭循渭水南岸東行為整屋又東為郿縣
又東而至西安此為閒道武侯伐魏屯兵五丈原即由
此路所謂斜谷路也其路險而近昔武侯屢攻陳倉不
下故改道由斜谷取郿以出魏人不意所謂不虞之道
也然則陳倉之隘即大散關不可不防矣而斜谷之閒又可
忽乎哉漢書地理志右輔都尉治郿案漢之都尉掌郡兵治郿者所以控斜谷之險也
右郿縣南山谷口凡十二秦嶺在縣城之南計三十里
又西為白玉嶺

在岐山縣南五十里爲郿縣岐山連界處有白玉溝水
北入渭

又西爲石樓山

在岐山縣南五十里接寶雞縣界西北至寶雞縣城一
百二十里

又西爲磻溪谷一名茲谷一名几谷

在寶雞縣東南八十里有磻溪水出秦嶺北入渭谷中
有煙霞洞三省邊防圖入磻溪谷南行有路通方柴關
可達留壩

又西爲箕谷

南山谷口考

在寶雞縣東南六十五里有箕谷水北入渭案後漢建
興六年武侯以大兵出祁山在甘肅鞏昌府西和縣北揚聲由斜谷
取郿使趙雲鄧芝爲疑兵據箕谷是箕谷亦有道通漢
中矣

又西爲洛谷古名綏陽谷

在寶雞縣東南六十里有綏陽溪水北入渭武侯與兄
瑾書云有綏陽小谷雖山崖絕重谿水縱橫難用行軍
者邏候往來要道通人今使前軍斫治此道以向陳倉
足以拔連賊勢使不得分兵東行者也案斜谷在綏陽
谷東陳倉在綏

陽谷西是時武侯屯斜谷口魏人據陳倉縣故武侯
治綏陽谷路牽制魏兵之在陳倉者使不得東行也

三省邊防圖洛谷之南有磻溪宮入谷南行有閒道達

鳳縣之進口關

又西為馬谷

在寶雞縣東南四十里有馬谷水北入渭

又西為陳倉山

在寶雞縣東南四十里山南二十里即秦嶺矣元和志

云陳倉山接梁鳳二州界梁州今漢中鳳州今鳳縣

又西為大散嶺古名散谷後漢書順陽侯劉嘉傳注云散關故城在陳倉縣南十里有散

谷水因名

在寶雞縣西南五十二里漢中府鳳縣東北百二十里

南山谷口考

有大散關在嶺上為秦蜀之襟喉嶺北之水名塔河一

名扞水北入渭河嶺南之水曰故道河西南流逕鳳縣

境又逕甘肅兩當徽縣境至陝西略陽縣境入西漢水

顧氏景范曰終南山自藍田而西至此方盡又西則隴

首特起汧渭縈流當山川之會扼南北之交漢元年漢

王自故道今鳳縣出陳倉實由散關也自後秦蜀有事必

爭散關之險史不勝書矣中興四朝志云大散關在寶

雞南為秦蜀往來要道自關距和尚原纔咫尺原在寶雞縣西

南四十里大散關東宋吳玠大破金人於此兩山關控斗絕出可以攻入可

以守實表裏之形勢也三省邊防道路攷由鳳縣東北

行三十里曰王家臺又十五里白家店又十五里五星

臺又十五里草涼驛鳳縣巡檢駐此又二十里紅花鋪又十里

長橋又十里黃牛鋪入寶雞境又二十里江龍溝又十

里東河橋又十里煎茶坪又二十里觀音堂又十里二

里關即大散關通志云二里關在大散嶺上長亘二里因名乃連雲棧出入必由之路明初設巡檢司于

益門鎮嘉靖閒遷于此謂之益門二里散關巡檢司今裁巡檢設把總分防又二十里大灣

鋪過此又二十里寶雞縣城計程二百七十里大散關石徑盤紆甚為險峻

今攷自散關西南行取道鳳縣西至兩當為達甘肅之

路南至留壩為達漢中之路自散關西行渡渭而北取

道清水甘肅縣名為達甘肅秦州之路自散關北行渡渭而

南山谷口考

四十六 關中叢書

北取道汧隴為達甘肅平涼之路蓋終南隴首實一脉

矣故梁益有事散關適當其衝而隴右有事散關之勢

為尤重云○附載益門山在寶雞縣南十五里俗名寶

雞口即秦嶺北麓之口山巖險阻凡有事梁益者必取

道于此故曰益門山又通志云陝西既入關平衍千餘

里西南抵寶雞復岸然山合惟一隘口始入是為益門

鎮元末李思齊于益門山口築城屯軍以備川蜀明初徐達收漢中自長安引兵屯益門遣傅友德出褒斜

李思齊遂奔臨洮當時徐達蓋以正兵攻益門而以奇兵出褒斜也

又西曰晁谷古名嶠谷後漢元初二年虞詡為武都太守方之官叛羌遮詡于陳倉嶠谷

詡計郤之胡氏通鑑注謂嶠谷即今大散關余案晁嶠音同今之晁谷即古嶠谷矣與大散關自係兩地也綱目注

謂嶠谷即陝州之
三嶠其說尤舛

在寶雞縣西南五十里三省邊防道路攷由鳳縣東北

行四十里曰龐家河又四十里唐藏水經注云北川水

流逕唐倉城下又南至困家川入故道水通志云北川

水今名紅崖河唐倉城今在鳳縣北案唐藏即五代史

之唐倉鎮也周顯德二年王景等伐蜀進至威武城

灋棟黜蜀將李廷珪分兵出鳳州北唐倉鎮及黃花谷

絕周糧道景遣兵抵黃花又分兵趨唐倉扼蜀歸路遂

敗蜀兵蜀人以秦階成三州降即其地矣嚴如煜曰鳳

縣之唐藏接連太渠通甘肅吳寨利橋由十八盤龐家

河而至方石鋪由草灘孤廟嶺而至草涼驛由楊家嶺

長橋而至黃牛堡地處四達崇

山峻嶺徑路崎嶇最為險要

又二十里獅子川又十五里菜子嶺又二十里楊家河

又十五里利橋陝甘接壤有兵駐守由利橋東行五十里曰東岔

又十五里漫坪又二十里柏楊林又八十里東岔河又

四十里營頭又二十里晁峪又五十里寶雞縣城共程

四百四十里山路崎嶇為鳳縣繞道秦州達寶雞之路

又由秦州東行六十里曰馬跑泉又二十五里花南阜

又三十里園子頭又二十里吳彩秦州州判駐此又四十里膠

川溝又六十里胡店又六十里入陝西界晁峪又五十里寶

雞縣城計程三百四十里深溝高嶺半屬崎嶇又由甘

肅清水縣東行四十里曰草窩子又三十里磨溝里又

三十里園子頭又二十里吳彩又十五里王家山又六

十里膠川溝又六十里胡店又二十里東岔河又四十

里晁峪又五十里寶雞縣城計程三百七十五里爲秦

州清水直達寶雞之路均閒道也

通志云寶雞縣西至甘肅秦州界九十里

晁谷之西南又有谷口二一曰石門子一曰仙靈谷

均在寶雞

縣西南其西通秦州其南通鳳縣而陝西南山谷口略備於

斯

右寶雞縣南山谷口凡八縣城南距秦嶺六十里以上

自郿縣至寶雞南山谷口凡二十均隸鳳翔府境

嚴如煜曰興安漢中與長安相通山路一由安康之琉

璃溝經洵陽北境鎮安縣孝義廳而至大峪口興安達

西安之路也興安進省由漢中大路行走共一千八百

南山谷口考

四十八

關中叢書

餘里後于山中開新路由洵陽之趙家灣兩河關

關在洵陽

縣西北一百四十里東接蜀河西接乾祐河北通鎮安

明置二岔巡司於此今由興安取道洵陽北出鎮安以

爲要道經過鎮安孝義出大峪口山程約七百里較棧

道捷甚然鳥道羊腸中如九里岡琉璃溝

安判官嶺仙

姑碓洵陽梅花鋪雞上架鎮安猴子石大山義高峻險巖

關一徑于樹根石角之間稍不戒則人馬均墮非如棧

道雖險而路寬也一由石泉之迎風壩西鄉之子午鎮

即午谷經寧陝東江口營夾嶺汎而至子午谷

即子午谷石泉

西鄉達西安之路也一由洋縣之鐵冶河

即瀟水經華陽

厚畛子而至盤屋之西駱谷洋縣達西安之路也一由

城固小河口經留壩之西江口鳳縣之進口關而至郿縣之斜谷關城固達鳳翔轉至西安之路也一由褒城連雲棧經留壩鳳縣黃牛堡而至寶雞漢中達鳳翔轉至西安之路也一由略陽古興州經甘肅徽縣兩當出鳳縣而至寶雞利州今四川廣元縣興州達鳳翔之路也計自華州經藍田至寶雞共七十二峪口山賊窺伺內地必由峪口而出故當辦賊之時防其竄突于各峪口徧設卡扼以重省城門戶

又西則爲甘肅秦階二州境昔武侯出祁山鄧艾度陰平皆由此道今則山林蒼翳徑路紛歧而由隴蜀東行不能

南山谷口考

四十九

關中叢書

越鳳縣寶雞之境故陳倉之隘南控漢中西屏隴右形勢尤重焉

嚴如煜曰棧道之西爲秦隴階文徽成各州縣東則南山老林山堽谷口處處可以攙越形勢如蜈蚣狀防堵爲難又曰由甘肅之階州翻山西往四川龍安府路最崎嶇卽鄧艾襲蜀之陰平道又曰鳳縣東南爲南山老林由城西進山溝約百餘里至甘肅之兩當在西爲徽成兩縣毗連秦州山賊竄甘省多取徑于此故于鳳縣增設漢鳳營余案嚴氏之說兼四川甘肅之防堵而言若籌陝省之防則屯重兵于大散之閒足爲西方保障

矣○雍大記云入蜀漢道其西南曰褒谷從褒入南曰駱谷從洋入東南曰斜谷從郿入其所從皆殊舊志謂首尾一谷非是其棧道所出有四從成利階文出者爲沓中陰平道鄧艾伐蜀由之從兩當出者爲故道漢高帝攻陳倉由之從寶鳳出者爲今之連雲棧高帝之南鄭由之從城固洋縣出者爲斜谷道武侯屯渭上由之此三谷四道者關南之險扼攻取所從來固矣通志引夫用兵之道攻守相師知彼之所以攻則知吾之所以守故凡山谿道路悉載于篇其他無名小谷所在有之以無關於地利之數故不著

敘曰方同治元年□□犯陝假道南山其北窺省垣也實出咸寧之大峪口自時厥後外寇甫平內訌繼起而三輔軍興生靈塗炭矣本禍亂之所由基豈非南山之故哉昔羅氏洪先有言關中雖稱四塞然南山東通商雒西連漢鳳山深谷密縈紆盤亘無慮數千里盜賊往往逋逃其中潛通聲問顧氏景范亦言關中事南山爲必爭之地故姚萇時設六谷大都督謂子午儻備南山之險唐時設南山五谷防禦使以備盜賊昔人論關中形勢無不以南山爲慮詳哉有味乎其言之也顧南山谷口以百數稱名之異同道里之遠近諸書多未錄余甚闕焉已乃覩嚴氏樂

園三省邊防書及沈青崖陝西通志其言南山諸谷特詳
又復雜見諸篇散而弗萃讀者苦之余乃刺取二書之文
本其山川聯其脈絡準其地望詳其遠近揭其要害以及
土俗之稱名水道之源流罔不具書蓋三易藁而後成也
最南山谷口潼關九以禁谷潼谷大谷爲要華陰十三以
甕谷牛心谷爲要華州十八以構谷石隄谷赤隄谷階谷
箭谷爲要渭南八以曹谷阮谷爲要藍田十七以倒溝谷
劉谷藍谷即牧護關輞谷採谷湯谷庫谷爲要咸寧十五以大
義谷即大峪口小義谷即小峪口石鼈谷爲要長安十以子午谷爲
要鄠縣十二以澇谷爲要整屋二十八以田谷黑水谷新

南山谷口考

五十一

關中叢書

谷口西駱谷爲要郿縣十二以斜谷爲要寶雞縣八以散
谷晁谷爲要凡得谷口百有五十尤要者三十有一焉其
敘次山脉肇東迄西則放西山經之體例也蓋山經所謂
西山大都陝境之南山矣論者謂關中險要旣在南山宜
放唐人之制於谷口分置防兵以資戍守然而今昔不同
時勢迥異唐人建都關中勁旅悉屯關內各道轉輸饟糈
易給至于今日地廣則慮兵單兵多則虞饟絀此其難行
者一也又或謂以守爲戰宜仿金川碣樓之制于谷口多
建卡倫安設巨礮以逸待勞以少勝多其說似也然而土
木之興需費甚鉅先事布置則籌款甚難臨事興修則緩

不濟急此其難行者二也然則南山終不可守乎余曰潼關以西寶雞以東大山深谷隨地異名皆終南之一脉而正南絕高之山皆名秦嶺南山爲關中之脊秦嶺又南山之脊自山南至山北必度秦嶺然後出谷口達平原故秦

嶺尤稱要害也

史記曰秦嶺天下之阻也西京記曰長安正南山名秦嶺東起商雒西盡汧隴橫亘

八百里嚴如煜曰秦嶺極其崔巍在寧陝孝義者上下均七八十里蓋南山之正幹也嶺上均有文公廟惟在商州

者不甚高秦嶺之南在西以漢中爲都會在東以商州爲都會

漢中之東曰城固城固之東曰洋縣洋縣之東北曰佛坪佛坪之東南曰寧陝寧陝之東北曰孝義孝義之南曰鎮安鎮安之東曰山陽山陽之北曰商州曰雒南此十城者

南山谷口考

五十一

關中叢書

皆秦嶺以南之要隘也而商州之南有丹江漢中之南有漢水轉運通漕尤稱利便誠于各城添設屯營扼要固守往來策應壯我聲威使賊不能度嶺而北斯爲上策縱之度嶺乃扼之於諸谷則兵力易分斯爲中策不守谷口縱之出山與之野戰斯爲無策故拒賊于秦嶺之北不若拒賊于秦嶺之南也嶺南之地在昔皆爲老林嘉慶中平定教匪建置佛坪寧陝孝義三廳增立營防俾東與商州西與漢中聲勢聯絡名臣擘畫防禦甚周果能攷其經制自漢中至商州凡有營汛力加整飭豐其資糧厲其器械選將弁練士卒修關隘聚糗糧先爲不可勝以待敵之可勝

安見南山之險終不可守哉若夫桃林扼塞自昔稱雄然
黃巢豨突于前闖賊狼奔于後而南原禁谷間道紛歧天
險雄關幾成虛設守斯土者尤不可不加之意也潼關有副將駐
守禁谷之間似宜添一屯營置兵五百于
要害處修築礮臺賊雖狡不能飛渡也

南山谷口考終

跋

右南山谷口考甘泉毛鳳枝撰先儒謂陝西中原之肩背
南山尤陝西臂肘也明末流寇一斗穀清初吳三桂將馬
國良及教匪王三槐等一窟其中均往往往濯征累載莫能
驟爬梳南山谷口之利害昭昭矣毛君僑籍關中熟諳形
勝此考自東之西起潼關大谷訖寶雞晁谷凡得谷口百
有五十九尤要者三十有一焉每考一谷山脈水域道里險
阨某爲要衝某爲間道某可用正某可出奇均一一備列
其下誠用兵之鄉導三省邊防之所必備也是書成於同
治五年山陰萬方煦敘於前激浦嚴如煜觀察評於後亦
南山谷口考 跋 一 關中叢書

月校

長安宋聯奎

蒲城王 健

興平馮光裕

